


定興縣志



定興縣志序



康熙壬子 大學士曲沃衛
公疏請天下郡縣皆修輯志
書彙成大一統志以昭
本朝版章土宇之盛

王序一

上命 禮部議得舉行先是知定興
縣張侯治邑有聲謂其邑北
距

京師二百里南距保定百二十
里爲近畿三輔衝要之地祿

喉南北形勝屹然然自昔以
來邑獨無志使古今疆域畛
界戶口賦役人物政治典禮
風俗莫得而稽核焉身任勸
志之始先請于大中丞金
公及余余甚嘉之適會

王序二

天子以斯事詔諭天下侯遂不日成
書而問序于余余竊惟周禮
外史氏掌四方之志上之天
子夫三代封建侯服既一國

各有史氏世官以記其國中
之事矣而天子復設外史以
掌其志豈列國紀載或有未
實而特爲是官以統攝之歟
是邑志之來久矣而况易封

王序二

建爲郡縣又密邇

京師爲巖邑值

聖世休養斯民三十年今又得中

丞仁漸義摩致風物于亨嘉
之會而可無志紀以備

聖朝文獻之所徵信乎抑攷茲志所
載古蹟如督亢陂黃金臺人
物如郭隗盧藏用張九成張
世傑輩皆統于范陽郡及燕
京不專取信于斯邑若烈士

王序四

高漸離則邑之西二十里至
今有高里焉烈士之于茲邑
無疑也余小生時讀史記而
壯其爲人及稍長側聞四方
高賢大良兼理學氣節之盛

者河北必以鹿太常伯順爲
居首而太常則定興人也夫
考志乘者必詳文獻以馬貴
與鄭夾深二通之例例之則
史記之記漸離者其文也鹿

王序五

太常之在近今者其獻也有
文無獻則備古而遺今有獻
無文則今詳而昔畧今定興
一志而兩足徵者皆備焉且
張令有志于著述而不屑僅

僅爲俗吏之爲夫亦可嘉也
余忝奉

簡書每按部校士輒攷其地之文獻
思勒成一書如古輜軒記聞
之類以不負史官之職覽張


王序六

令之茲志而美其發凡起例
之槩有合于古外史氏之掌
也有起余之功也夫


昔

康熙十二年歲次癸丑夏五

之吉提督順天等處學政翰
林院侍讀楚江安王澤弘撰



王序七



定興縣志序

洛陽張君宰定興之明年早夜
恪勤善於其職慨然慮文獻之
久湮以修明爲己任鳴琴之暇
爰取邑誌而纂輯之閱數月而
書成乞余爲之序余讀竟嘆曰

丁序一

美哉典而核直而有體明辨而
多風邑其藉是書以傳乎嘗考
周官小史掌邦國之誌外史掌
四方之誌歲行人采風以觀治
辨謠俗而閤胥族師黨正鄉大
夫各有所書以登於王咸隸於

史云迨及東漢南陽撰記風俗
郡縣始各自爲誌夫述往示來
俾邑無遺善人有觀型此良有
司職也定邑咫尺

皇

畿聲名文物斌斌有鄒魯風而

縣自金元建置以來迄無成書

丁序二

設長吏撫循茲土而委掌故於
草莽則民行何自而興觀風問
俗者於何而考稽焉是定邑之
不可以一日無誌也明矣然郡
縣皆有誌而唯定獨無則蒐羅
釐訂事繁而功倍此修明之實

難其人也蓋誌必綜古今核名
實訂覈驗識可以觀學褒貶必
真臧否以之義例燦焉可以觀
政豈通信遠繼懲昭勸有類於
史可以觀世苟非湛深乎經術
恢擴乎才猷者未易勝任而愉

丁序三

快也乃余考定邑一誌稿凡幾
易而人輒數更或修矣而業仍
未竟或竟矣而書不果梓豈非
難其人尤難其會歟今張君之
爲是舉也無因循無草率與定
之士大夫網羅舊聞搜求遺逸

以奮爲筆削使事無遺旨文絕
煩稱而一邑之中上下數百年
人物事蹟興廢得失之故展卷
瞭如指掌則是書也所以補從
前之缺典而備今日一統之採
輯者於是乎在寧僅一邑藉是
以傳也哉是爲序

丁序四

賜進士出身管理直隸錢穀守道
副使前內國史院侍讀三韓丁
思孔書於保陽署中之嘉樹軒
告

康熙十一年歲次壬子季冬上

浣之吉

三



一

二

三

四

五

丁序五



定興縣志弁言

一天下也而人自爲古今地自分
南北若不有書以記載之則上古
之淳龐幾同於叔季之衰薄而南
北風氣亦無繇別是記載之書不
可一日不備故自省會而魏邑俱

沈序一

各有志志卽言乎其記也記其人
之忠孝節義也記其地之土田貢
賦也志存則事彰志亾則事沒有
民社一日之責者烏得不以志之
有無是念定邑爲古范陽地其地
疑厚其人多慷慨俠烈之槩前之

散見於史冊者班班可攷獨是縣志一書自金元分設以來迄今四百餘年缺而無傳使蒞茲土者入境茫然豈非一大缺陷乎然其間豈無擔當民事者出而修舉之何以三易代而此志卒不成何耶或

沈序二

以遷去或以病寢謀始而不克成終凡三舉而三不就是斯志之成不難之又難乎今洛陽張子陶庵來視邑事下車首詢父老以志書未備愀然心疚遂毅然自任舉四百餘年未竟之緒一旦告厥成

工其任事也何其勇若延請耆碩
共相校正并棗梨剗劂之費悉出
清俸不一毫累民其行已也何其
潔書成頒示案牘之暇繙閱數過
見其書其辭古其事詳其意深且
遠其情未以長由其胸有全史故

沈序三

筆無纖塵至於博採之勞刪訂之
苦於湮沒無傳之後不以沁漏見
譏幾嘔心血矣不佞性迂拙短於
才治羈兩期凡所措置因人鹿鹿
近且奉

俞旨仿秦豫例纂脩八府通志各

上臺奉行甚力分檄各屬徵取舊志以備參考又恐年歲久遠復旁加搜括遺事茲定邑之志燦若列眉不大有當於

當宁之心者乎爰是知張子之功大矣遂榻管而述其顛末云敢曰序

沈序四

乎哉

康熙壬子膺月上澣之吉知保定府事吳陵沈喬生書

